

續修曲沃縣志

知縣 張鴻達

纂輯

署知縣 茅丕熙

人物

十室之邑尼父猶重况茲大邦英靈所鍾立德功言來者繼踵志人物第二十七

孝友

周

申生

獻公子公嬖驪姬將立奚齊驪姬謀於優施賂二五請太子主宗邑十一年使太子主曲沃十六年晉作二軍

滅耿滅霍滅魏還爲太子城曲沃新城二十三年姬復讒於公殺其傅杜原款申生將死使猛足言于狐突曰申生有罪不念伯氏之言也以及於死申生不敢愛其死雖然吾君老矣子少國家多難伯氏不出而圖吾君伯氏苟出而圖吾君申生受賜而死是爲恭世子也

韓無忌

晉悼公七年韓獻子請老將立之辭曰無忌不才讓其可乎請立起也與田蘇游而好仁立之不亦可乎晉侯

謂韓無忌仁使掌公族大夫

唐

張君密

居家有孝友聲同居者數世事聞天子旌其門閭復其

秦德方

世敦孝友家不異爨天子旌其門賜粟帛復賦稅勅有司存問

馬元操

性孝友同居數世無間言事聞賜粟帛且旌其閭

李君則

性公且恕善處家數世同居無間言事聞詔旌之賜粟帛命州縣時時存問復其賦役

宋

李居仁

在城諸生少孤事母至孝授徒以養母歿手築墳高四丈餘時名其巷曰孝母名其族曰墳臺李氏

金

許琇

南關廂人讀書樂善登大定進士會兵亂負母避山東旣而歸鄉服父喪始終如禮鄉黨取法焉子良力田積善不求聞達孝行炳著廬親墓三年不怠里閭稱為孝子後舉稅務都監

元

靳昺

字克昌德淵子學士榮弟六歲知學諸疏義皆能默誦長通六經而不喜爲文章然落筆輒就雖作者不能及

同兄奉母王氏以官於朝母卒與兄護喪還家三平定之平潭大雷雨昺伏柩上呼天長號榮呼之避水曰善避奈母喪

何須災暴水至遂漂沒而死水退得柩於三里外得屍於五里外事聞詔賜孝子碑銘學士楊傑斯奉勅撰文

明

靳

馳

昂之後正統間以邑諸生補河南掾聞母喪號泣步歸廬墓三年誠格鳥獸事聞特旌其門

郝

根

修已後家貧爲人傭保母年九十餘得美食必歸奉之妻張氏以不孝見出月旦推重焉

盧

閣

北關廂人父世登母王氏襁褓失怙性篤孝祖父母歿亦廬墓所偶遊京邸心悸遄歸母果病焚香禱天願以身代病尋愈舅某孤貧且死鬻田殯之異母兄病候侍罔間鄰失火及閣宅而熄時謂孝感事聞建坊旌其閭

李思芳

監生驛橋人兄思恩販渙陽爲孫九經斃於市芳時年二十鳴之官孫以賄得減死芳上叩帝閣下刑曹抵九

經法時論義之事在萬歷四年

李案

邑諸生南關廂人事親篤孝親歿哀毀骨立先後廬墓六年嘗於墓次拾遺囊發視知爲太平某物躬送還之

天啟六年巡按御史劉聞其事於朝勅建純孝天成坊以旌之卒年七十有六學者稱忠齋先生著有忠孝錄景仰顏曾錄覺後五歌人子十二惑等書

張一鯤

字南溟萬戶村人邑諸生一歲而孤稍長讀蓼莪詩有感結廬墓所晨夕呼號母多方勸諭始自節入庠後以文名於時或以殺人事誣鯤逮獄神色自若寃卒得白甲申之變望闕再拜號泣焚書

周一冕

字仲服補邑諸生中副車父城固令爲賊李自成擄掠冕以身代人稱周孝子云

張駿烈

字注張東興里人由崇禎庚午鄉薦選建德知縣因母老多病辭不仕亂後終隱不出年八十二而卒

鄒謙亨

原名道乾字健菴監生興道坊人明舉人顯後崇禎間奉母避亂觀音山數日乏食母諭亨自保亨曰天下無棄母獨存之子堅不去旋從山徑拾餽糧一囊母子全活曾孫學會丙午舉人

國朝

徐漸忠

幼孤事母以孝聞母歿廬於墓鄉人賻以米鹽不受或汲水遺之亦不受曰居喪而受餽是以廬墓市也終三

年乃歸

李爲梁

字魁宇南薰里人性長厚事母以孝聞方嚴自持里間有事多取平焉舊志與趙讓俱稱爲孝友

李天植

在城人母方娠父遽客外絕音問既長與母訣誓不得父不歸徒步求之三十載至廣東高要縣則父死久柩

三易其處矣乃函骨以歸
葬論者比之朱壽昌云

楊三正

張喬里人天性孝友篤愛昆季四世同居從無間言樂施予遇貧者輒解囊周之子乘鶴事繼母以孝聞康熙

三十年饑出粟

賑濟無吝色

許之屏

邑諸生事親孝母遘疾晝夜侍側寢食俱廢先是屏授徒學宮旁廣文怪其久不至召之至則骨立矣後欲舉

其孝固辭卒舉之學使某
曰不自謂孝乃真孝子也

秦

鎮

字西侯康熙癸卯武舉家貧性孝生養死葬咸克如禮初仕領運江南五次轉輸完給無虧陞懷遠守備

張

燦

字若臨邑諸生朔賢里人性仁孝母早歿終身哀慕至毫不衰事繼母楊委曲盡孝後繼母感其誠慈愛有加

康熙辛丑壬寅間歲大饑出粟佐賑全活甚衆孝子董某負帑將刑傭劉某鬻女償債皆解囊拯救鄉人義之

衛台擢

字枚先少司馬周允次子以廕候補行人司副允卒時長子台揆官京師擢裁十三卽能成禮念老母在堂終

身不稱選人嘗築思園於澮水間讀書其中手披一卷咏歌自適至老不衰著有思園詩稿

王者臣

性孝友問安視膳無間晨昏歲饑竭蹶調劑終不使母知之兄歿遠方不憚數千里扶櫬歸撫從子如其子焉

韓憲武

東韓村人郡庠武生七歲喪父奉母先意承志家雖貧酒肉不缺於供母歿寢食柩側三年不衰子俱

劉闢疆

東許人幼失恃爲繼母逐於外無怨言與弟分爨多寡惟母命是從臨終泣語人曰闢疆孝我生子不及也

張登庸

西李村人性至孝年二十其父茂功歿雲南訃聞母哭之幾不生曰歸無日矣庸泣謂母曰滇南不在天外父

柩不歸兒心何安負擔萬里
備歷艱辛卒返父櫬還里

行彬

武生史店人少失恃繼母許待彬頗不以禮彬安之無
怨言後許病彬衣不解帶者屢月比歿悲泣哀痛盡情

盡禮子焯甲

子科舉於鄉

王高標

義門人嘗爲侯馬驛掾標固義兒事父極孝值歲饑每
炊以袋盛米入釜中熟則奉父自以黃蘗糠粃和米汁

與家人食之父弗知也嗔曰而輩所食盡以飯我及嘗乃抱
泣曰死則俱死耳何忍獨食標通宋清疔瘍術病者多賴以
痊年九十而卒

徐鈞

字秉政西郭里人事父以孝聞比歿哀毀骨立不飲酒
茹葷入私室者三年生平解紛息爭導人以善年九十

邑令劉以菴
期孺子贈之

楊鳳棲

楊柳村人事親以孝著繼母買年差等鳳棲事之不異
生母賈疾親侍湯藥數年不解里人豎孝子碑

王曰義

字宜菴邑諸生常安莊人父歿歷數年食必祭祭必痛哭聞者泣下叔瑤老而鰥有嗣子貧無以養義敬事之

一食飲不敢忘外王父與舅皆客歿外弟亦遠出乃以五十金寄之俾返觀及得金復不歸再令姪思曾携金逆之且爲娶婦經紀其家

賈光啟

字明甫守備東才孫幼業農有幹濟才爲族舍人鳴壘所器重尤能友於兄弟撫子姪如一與弟福敬子紹京

俱以高年先後邀粟帛之賜三世蒙恩五代同慶人以鄭義門擬之

蘇加誠

郭馬人鰥居養母母多病貧甚無以供朝夕又不能侍左右乃約與人力作但飲食其母不復計直逐日負母

坐田間樹下饁者來持以奉母母無飢色或並予其直不受固予之則僅受其半半蓋以當母飲食之資云

王玫

郇村監生少孤事母最孝出告反面起居弗離母歿不入私室者三年人稱其孝又募化數千金剝溢水橋行

者便焉

王堯則

邑諸生北王村人好讀書居家以讓爲本六世同居闔門七十餘口時人比之張公藝

孫日亨

靳莊人孝由性成父病嘗糞且籲天求代病尋愈侍母疾湯藥必親嘗以進北歿水漿不入口者五日歷數歲

每一念及猶

潸潸淚下

董存信

八頃人氣質端莊不苟言笑親歿廬於墓側後家居猶朝夕省墓風雨無間每食必祭數十年不懈人以孝子

稱之

柴林栢

字用殷南柴村人性端雅居鄉有善名遇貧乏輒周之無德色經營家政公而能忍六世同居卒無間言

靳銘鉉

靳莊人家貧少喪母父其鳳染痼疾鉉偕妻劉氏鬻子養親歷八年如一日焉

杜世昌

字永忠庠生朔賢里人少孤貧事母孝雖棗栗之屬母未食不敢食既歿葬日携食器供墓次如是者三年孺

慕之誠至老不倦

婦郭亦善承姑意

許維辰

字魁軒琇後善事繼母兄弟友愛無間伯兄維斗嬰病旅邸辰亟迎歸辛丑邑大饑倡義散賑里黨全活無算

前邑令數旌其門

樊翔鳳

西通里人事父孝謹治喪盡禮乳母姚氏孤貧無依鳳供養不缺及歿爲殯葬焉鄉人立碑表之乾隆四十三

年奉

旨建坊旌曰孝思足錄

蘇濬

字哲菴東莊人邑諸生六歲喪父事繼母馬子職克共馬九十一歲卒濬衰老廬墓負土益塚于自華事繼母

李亦以孝聞嘗授徒他莊聞母病雪夜還家延途號哭聞者惻然親奉湯藥母病尋愈友愛諸弟白首同堂人以爲濬有

子肖

李國選

義門人家貧業針縫以養其母母患膈症醫藥罔效選露禱於神割脇下肉調湯以進母病旋愈

高亮

席村人性孝友承叔父秉衡嗣曲盡子職無異本生與堂兄弟同爨終身無間言堂兄懷家貧分多潤寡常使

衣食有餘裕迄今子姪孫
曾同居五世一門雍睦

張

炳

小李人家極貧父克容出走肅州二十餘年乏音耗炳
跋涉數千里越二載扶父歸業肩挑以養歲時酒肴必

具父性素嚴怒即撻炳立受

不敢動父歿事母如事父

王定世

萬戶村人少孤家極貧事寡母楊菽水承歡克盡子職
中年失偶以子兼婦者四十餘年母九十五而終竭力

喪葬鄉

人賢之

許蒼佑

字天申佑與兄蒼祐相友愛祐患泄症親侍湯藥雖汗
褻事不以謾人及兄歿待姪如已出教養兼至後佑歿

其姪觀生哭之曰事兄

如事父愛姪如愛兒

周鶴年

小南關人幼失怙家業維艱努力奉甘旨母邁疾飲食
藥餌非親手檢點不敢奉弱弟遠年多病維持調護者

二十餘年殷勤教誨以兄道兼師道比歿遠年每思及輒潛
然淚下

翟必狝

字欒登在城人天性孝友父居謙好讀書狝七歲隨兄

疾必誠必敬幼失恃事繼母如所生奉諸兄唯謹內外無間言少入庠旋充貢以四庫館議叙揀發河工各憲以通儒目之著有前甲堂文稿言志詩草正心軒書法藏于家

郭桂思

字月丹朔賢里人生三月其父卽貿易關東客死桂長欲尋父苦無資因貿布以往出關迷徑遇異人導至其

地訪得其父故友土官之妻知其父柩寄荒寺始得負骨歸

張翊

南陽村人議叙鹽知事附貢生張全宦子咸豐癸丑粵匪陷沃入村擄掠翊父抗賊被執翊急抱獲爲父乞命

願以身代賊竟殺父翊痛罵賊亦被殺入祀孝弟祠

上官薪傳

邑廩生汾陰村人童年失怙事母甚謹母年八十餘薪傳已耆艾朝夕奉養時效萊衣之舞有胞叔少遊

甘省數十年不能歸薪傳訪確托友人寄五十金始得携眷旋里村舊無垣薪傳倡工修築訖成完固之區

解百川

附貢生東城村人五歲喪父而大父母在堂稍長祖父亦卽世母多病飲食藥餌必親嘗以進繼祖母性嚴厲

百川委曲承顏務得歡心癸丑粵匪擾境念祖母衰老不忍獨避賊驅之臥於道人馬踐踏賊以爲死覆之以衣賊去匍匐還家咸以爲大難不死必有後福年五十七卒

楊鐘

字聲鴻邑庠生東賀村人家本寒素事母以孝聞處昆季子姪輩怡怡無間言耕讀之餘好究醫術貧富訖診者輒應之壽登耄耋八世同居鄉里以訓方型俗稱之今子孫克紹先業人謂聲鴻之德報云

高榮陞

侯馬鎮武生性孝友喜讀書事親遵內則父嘗患滯下昕夕無數榮侍湯藥滌污穢衣不解帶六月有奇父歿呼搶哀號水漿不入口者三日親族以毀不滅性義責之始進稀糜一甌旣葬廬墓三年乃歸

適魁祿

史店人祖籍聞喜家窶貧幼失怙恃同堂兄魁福業農兄嗜博祿宛諫不聽潛入局跪兄後兄未之知也呼喝如故夜半偶回顧見之擲賭具偕歸遂不復博祿旣長賈於外貲財悉歸兄兄亦善居積家道隆隆起爲兄納監美衣食

而自奉仍儉約里中人今猶樂道焉

裴加厚

明鎮殿將軍良積子良死於王事時加厚與其弟加增

俱幼厚年十六卽奮身走萬里訪求父尸弟加增在家事母以兄遠出事母甚恭厚果求得父骸負歸安葬與弟白首相聚訖無間言子孫繁盛分爲七門厚以子衡度贈通議大夫又以子律度累贈光祿大夫

夫增以子律度贈榮祿大夫

馬孔昭

東馬莊人善事繼母光緒丑寅大饑母年踰七旬孔昭

亦六十餘矣家貧乏食孔昭日鬻什物易食以奉母母每分給子女孔昭慮之自後市食歸以半潛留鄰舍慇鄰媼約母出話因勸獨食已與妻子日食黍屑而已後母獲無恙孔昭竟以餒死

鄉里惜之

仇步奎

朔賢里人昆季皆嗜讀書因家計艱窘歎曰兄弟誦讀

並給爲難與其終不能給何如弟理財供兄讀書庶有一成乎遂出外貿易每寄家書慰勉備至惟恐兄以家累爲憂也囊有饒餘卽以寄家不私一錢鄉里咸稱悌弟焉

崔乃鈞

字亦陶東興里人捐布經歷職早失怙曲體母心伯仲

二鈞居次兄議析產多寡惟兄命是從生平持躬敬慎
好施濟多隱德善楷書里閭愛敬咸以悌弟稱焉年八十五
卒

乞

兒

姓名不傳光緒丁丑大饑餓殍載道有丐者母子乞食

於張氏母稍有菜色子則一息奄奄肌腫殆斃主人憐
之分炊黍餅一枚與其子食子捧以奉母母還以與子曰兒
餒甚宜先食子終不肯母目之曰汝至死不改性耶因取自
食過半餘者授子子始勉食焉主人異之曰汝乞丐乃有是
孝子耶其母泣對曰余母子初非丐者此兒自能食至今得
食固未嘗先食也今垂斃猶執拗如此主人嘆曰孝哉兒乎
因多與之數日聞此子竟殯於市

補遺

仇恩銓

字簡園池州守恩榮第三歲失怙依依母側能博其歡弱冠母沒遺囑善事諸兄銓泣受命恪守弗忘常敬諸

兄如父而愛之如母道光庚子舉於鄉長兄榮喜獎以聯曰學問根源論孝弟科名功德坐庭闈三赴春官每試罷必東至齊南至皖不遠數千里周視諸兄以爲常跋涉之勞弗計也爲文和平尤長題詠嘗從榮登宣城謝公樓望鴈影懷諸兄有天涯鴈影正追隨之句榮甚賞之己酉春復自晉赴池州省兄是秋皖江大水兄奉檄勘災歸署病痢甚劇銓親爲視湯藥調劑飲食月餘衣不解帶比兄病痊而銓已以勞頓成疾竟不起時年才三十九榮痛極寄其仲叔弟覃注書曰悌弟如銓而早死吾亡一臂矣次年遂引疾還里以銓喪故也銓生平持已接物和而介謹而不迂一言動必慎同人鮮議其失者次子庠生汝康字叔侯克篤友于有父風沒於山左其師宋亮之解元悼惜累日以爲有真性情不可多得云